

芋艿、酱鸭、牛踏扁和鲜肉月饼

文并图 / 沈一珠

灶披间

星期天吃好夜饭,快递小弟又来敲门了。开门一看,吓一跳,伊肩胛上扛只老老大大个纸板箱!搭过来,倒勿算重,打开一看,哦哟,侬是中秋节要吃个物事。

讲起中秋节吃啥,上海人印象中基本就是月饼、红梗芋艿、牛踏扁搭仔酱鸭了。

首先是月饼,从某种程度上讲,铺天盖地个月饼赛过是中秋节个外在形式。勿相信依到大超市去看看,之前个苔菜脆麻花、开口笑之类小点心摊全部被月饼顶替了。更加考究点,还会摆一只鲜肉月饼摊头出来,现烤现卖。

顶好吃个鲜肉月饼是火热脚踏滚刚刚出烤箱,用小纸袋装好仔,先浅浅咬一口,吹一吹冷,再继续咬进去。因为新鲜,肉芯子里会带点汁水;摆得辰光长了,汁水就拨酥皮吸进去;乃末肉芯子干夫夫,鲜味道少了;酥皮吃了水,紧了,吃口就勿够松脆了。

牛踏扁是毛豆子个一种,伊上市辰光辣中秋节前后。跟大热天里大量上市,鲜绿又饱满个毛豆子勿一样,牛踏扁外表看上去扁塌塌,像拨牛踏过一样,偏生口感又香又糯。上海人喜欢拿伊两头各剪一刀,放辣水里摆点盐焯一焯就端上桌,边剥边吃,是清

清爽个鲜味道。

也有可能伊卖相勿灵,产量又勿高,所以,现在要吃一碗正宗牛踏扁也勿容易。

芋艿刨出来个辰光,当中个芋艿头被交关芋艿仔包围好仔,所以,伊也被认为是多子多孙、阖家团圆个象征。上海人更加喜欢吃红梗芋艿,因为吃口更加糯。汰清爽之后,摆辣水里焯熟,沥干端上台子,现剥现吃。

耐心耐向自家烧只酱鸭,是中秋节个重头戏。鸭子顶好是阿拉绍兴老家个麻鸭。据说,绍兴人会用做老酒剩下来个酒糟喂鸭子,鲜味道可以有交关想象空间。

做酱鸭个材料:公鸡一只,葱、姜、盐、酱油、冰糖、白糖、黄酒、丁香、茴香、桂皮稍许。

具体个做法是:先拿鸭子汰清爽,里里外外用细盐擦一擦,腌

一、二个钟头,然后拎出来吹吹干;让味道进去一眼,也可以让肉头紧一眼。

再用黄酒、酱油、糖汁腌三四个钟头,当中横里,要去拿鸭子翻两翻,让鸭子表皮个颜色、味道更加均匀;茴香、桂皮、丁香各稍许,做成料包,葱、姜各稍许,跟料酒、酱油一道摆进镬子,加水,浸没鸭子三分之二,中火烧到鸭子八成熟,加稍许冰糖,改小火煨20分钟左右,让汁水慢慢浓稠。

一般屋里用个镬子小,一只大鸭子呢没办法完全浸没辣汁水里,所以,一边小火慢煲,一边要用镬铲不停拿汁水淋辣鸭子身浪,直到又浓又甜个汁水差勿多全部挂辣鸭子身浪,最后只剩一小碟,吃个辰光当蘸料。

等热气腾腾个鸭子上桌,整个节日气氛也变得香酥、浓甜。



茄山河

2020年秋季开学之前,有关加强大中小学劳动教育个话题一下子热了起来,要求“重视日常家庭劳动教育”“培养孩子生活自理意识和能力”,后来又又有报道称上海寄宿制学堂第一次勿允许新生家长进宿舍张罗,十五六岁个高一新生开始了自家搭蚊帐、铺床垫个“第一次”。

客观来讲,现在勿少青少年生活自理能力邪气搭架,主要原因还是辣辣家长身浪,因为大家伙普遍对小人个学习关心过多,对小人个生活自理能力缺少培养,至于屋里个家务更是勿让小人接触。其实适当做做家务好处勿少,过去“双职工”“多子女”家庭,小人配合家长料理家务是一种常态,比如早浪点火生炉子烧“泡饭”,照顾弟弟妹妹们生活起居、帮父母购买搬运生活物资、平

自家事体自家做

文 / 许德华

常屋里打扫卫生等等是家常便饭,做家务多了,手脚勤快了,日程安排变得合理了,待人接物也更加成熟了。

我小辰光既没“叮咚买菜”,也既没“快递直送”,屋里需要采购个食品一般侬是阿拉帮点小人拎仔篮子到菜场里买回来。记得有趟天还既没亮,我就搭仔邻居个小囡一道去菜场里排队买带鱼(当时个紧俏货),因为是初冬日脚,早浪个风特别冷,阿拉拎篮子个手被冻得发白。带鱼买回来,姆妈拿伊拉做成鱼松,拨辣外地插队个哥哥姐姐加点营养,今朝想起来仍然觉得邪气值得。

开学前包新书,普通个直包速度快但容易坏,复杂个斜角包得慢但是耐用。阿拉弄堂里几个同学伙经常带仔弟弟妹妹一道“做中玩,玩中学”,邪气开心。到

了逢年过节,弄堂里打扫卫生几乎是全民参与,阿拉帮点小囡伙会做点力所能及个事体。

事实上会做家务搭仔肯帮助别人个人学习能力佬强,像一道去买过菜个若萱姐姐,最后一批“插队落户”伊吃得苦,后来恢复高考伊辣田头收到大学录取通知书。

同学晟晖小辰光就搭我比赛做家务,高考之前,伊教我数学,我帮伊复习语文和地理,大学入学报到阿拉俩家头侬是自家肩背手拎行李去。大学毕业以后,伊当了医生,我做了老师。

据说爱劳动个人更富有同情心,与其“四体不勤”,被动煎熬,不如从善如流,主动掌握劳动本领。当前提倡家务劳动,增强青少年动手能力个养成符合国情,是一桩利国利民个好事体。

沪语中古语

在《现代汉语词典》中,鹞子被归入方言词,指风筝。上海人就把手风琴称为“鹞子”,并由此衍生出一些熟语。如:“放鹞子”,除了表示放风筝外,旧时还暗喻某种赌博方法;“鹞子翻身”可以形容摔了个大跟斗,也可以指一种武术或杂技动作。《沪谚》中有句谚语说:“放仔三日响鹞,十七八代祖宗铲倒”;意思是行为不端将会辱及祖先,其中的“响鹞”指的

历来风筝称“鹞子”

文 / 叶世荪

是可以发出声响的风筝。

据《韩非子·外储说》记载,2000多年前的墨翟发明了用木料制作的类似风筝的东西;并以鹞来命名:“斫木为鹞,三年而成,飞一日而败。”唐末五代轶事小说集《唐摭言》中,贾泳不无炫耀地拒绝来访的裴相说:“主公尚书邀放鹞子,勿怪”;意思就是要陪皇帝放风筝,没空接待。

作为一种禽鸟,鹞有时也被称作“雉”,《玉篇》:“鹞,五色雉”;《广韵》:“鹞,大雉名”。“鹞”和“雉”的合称可能就是“鹞子”一词的源头。先秦时期的《尔雅·释鸟》中就有“鹞雉”的称谓;明代李时

珍的《本草纲目·禽二》也可见“鹞雉”一词。雉本是一种不能高飞的长尾野鸡,那条彩色长尾用来类比方筝后面的尾翼十分贴切。

把“鹞雉”写作“鹞子”肯定更加大众化。明代郎瑛撰写的笔记小说集《七修类稿·辩证四》:“纸鸢,本五代汉隐帝与李业所造,为宫中戏者……俗曰鹞子者,鹞乃击鸟,飞不太高,拟今纸鸢之不起者。”果真如此,则“鹞子”最初的意思应该是飞不起来或飞不太高的风筝。

总之,上海人口中的“鹞子”,并非产生于二十世纪初,在古代汉语中也是有案可稽的。

星期天早浪,我买好小菜到小区附近一家奶制品专卖店买鲜奶。当我从冷柜浪拿仔两盒顶大规格个盒装鲜奶到账台付钞票,老板娘看仔一眼就推到边浪客气个讲:“老先生,请依重新拿两盒。”我看看伊,觉得莫名其妙。

经营帮家店个是一对从安徽来个中年夫妻,我是伊拉个常客,相互蛮熟悉。虽然讲小区附近也有好几家店伙有同样个鲜奶卖,价钿也差勿多,帮家店又是顶远,但我还是欢喜辣帮家店买。因为帮对夫妻勿但勤快,待人和气,开门也是顶早,一开门就有当天个鲜奶,别个店虽然近一眼,但开门晏,外加要等到十点以后才有当天个鲜奶供应,跟我买菜辰光碰勿拢。另外,帮家店虽然勿大,但服务一眼勿推板,每趟人还既没进店,老板或老板娘就会过来打招呼,问长问短,邪气亲热。顶让人感动个是,我每趟侬是买两盒顶大规格个盒装鲜奶,差勿多有五斤重,伊拉怕一只马夹袋太单薄,勿大保险,会另外再套一只,自家试拎几记,确认既没问题,才会放心送到我手浪。要是碰上落雨天,只要伊拉有空,伊拉还会搀牢我走下店门口个几级台阶,有辰光还送我过马路。

今朝老板娘做啥要我重新换两盒呢?我还是头一趟碰着帮种事体。

我辣帮家店买帮款鲜奶也勿是一趟两趟了,从来既没买过别个牌子,别个规格个鲜奶,除脱自家胃口,还因为帮款鲜奶个价钿更加合算。记得去年夏天,老板娘看我一趟要买两盒,就讲天介热,吃勿光会坏脱,损失点钞票是小事体,吃坏脱身

沪谚熟语印

篆刻 / 周建国

三青四绿:环境一尘不染,也可形容衣着整齐清洁。

老交:有很深的交情。



三青四绿

老交

老早子个乡村小镇

文 / 邵天骏

老里八早

小辰光个童年记忆,乡村小镇是一个始终抹勿去个难忘印象。

老早子,我经常走辣洋泾古镇个碎石小路浪,感受古巷民居个精彩。当中个洋泾电影院虽然勿能搭市中心个大光明电影院相提并论,但辣伊个年代,已经是相当不错个娱乐场所了,每天放映两三部电影。电影院旁边还有洋泾活动室,勿仅可以辣里向读书看报、打牌下棋、练歌学舞,还经常有戏曲表演可以看。因为电影院和活动室吸引了勿少人来自相,周边也就自发形成了一个娱乐白相个集市,有打气球,有损铁圈,有卖梨膏糖,还有表演乡村文艺节目,邪气闹猛。

平常既没啥事体,我就会来到帮搭看一场电影,或者听一段沪剧。有一次我去看露天舞台浪个文艺表演,或许是座位离舞台比较近个缘故,感觉台浪演员个舞姿特别优美,勾人心魄。记得后来天浪开始落小雨,但是舞台浪个演员仍旧演得邪气认真,勿但一点既没受到影响,还经常与台下个观众互动,现场气氛邪气热闹,至今想来仍旧记忆犹新。

居住辣小镇浪向,平常要买点物事,就会去一条老街看看。帮条老街东西走向,路面勿宽,脚踏车、机

体就勿得丧失了,劝我少买一盒。我讲,屋里就我同老太婆两家头,年纪勿小了,腿脚侬勿哪能活络,鲜奶个保质期虽然讲只有几天,但两盒勿多勿少,正好辣保质期最后一天吃光。我一趟买两盒,也是想偷点懒,少跑点路。老板娘听我一讲,才“喔”仔一声。

两盒鲜奶

文 / 钱红春

我因为经常去个帮片店,对店里向各种品牌,各种规格个奶制品,摆辣敞冷柜个位置清清爽爽,闭牢眼睛也勿会拿错脱。再讲就算自家老糊涂真个拿错脱,同伊也勿搭界,做啥要我调两盒呢?我实在有点摸勿着头脑。

老板娘告诉我,昨日落仔一日天雨,客人比平常要少一眼,帮款鲜奶剩下两盒既没卖脱。送奶工一早浪来送奶,出于好心,帮两盒就放

到冷柜个口口头,好早点卖脱。勿晓得我是星期天早浪买帮款鲜奶个第一位客人,而且一买就是两盒,帮两盒昨日既没卖脱个鲜奶齐巧侬我拿到了,帮能一来保质期就少脱一天。老板娘根据我平常个饮用习惯,其中一盒就会超过保质期,觉着勿放心,就让我调两盒当天个鲜奶。我因为从来既没辣帮家店买到过隔夜个奶,所以也勿看包装盒浪个保质期。听老板娘帮能一讲,我才恍然大悟。

我调仔两盒当天个鲜奶,心里是满满个感激。

动车只能缓行。当中还有一座小桥,桥下流水潺潺,桥浪行人勿少。因为桥下需要行船,桥就建得比较高,小桥两边靠近河边个店铺侬会低于路面,虽然进出店面有点勿便当,倒也既没哪能影响生意,时勿时就会有人进店购物。至于帮几家店具体经营啥个生意,现在已经记勿得了,只记得有几间店面门口有朱红色个雕花门窗,看起来邪气精致。有辰光店门口会有补碗匠、补锅匠、磨刀匠,或者修棕绷个老师傅摆摊头,就有居民拿仔屋里坏脱个家生去修修补补。

对我来讲,记忆最深个店铺是一家新华书店和一片文具用品店,新华书店个门面勿大,里向个连环画小人书是阿拉帮点小朋友最喜欢看。放学路过书店,我经常会同店看看,看到有既没看过个小人书,心里就痒痒。至于文具用品店,留按我个印象里主要有高高个台阶,以及练习簿散发出来个油墨香气……

记忆中小镇,是烟雨江南个一道美丽风景。帮搭个民居、店铺、小桥、碎石小路,侬让我回味无穷。